

Art in Motion tabata impresionante

Diasabra 16 di maart Cas di Cultura a conoce un explosion di talento creativo. Cu Art in Motion, produci pa Da Vinci Academy, publico por a disfruta di un tremendo show yena cu baile, teatro, musica y film. Mas y mas Da Vinci ta konkistando curason di pueblo, mirando e calidad halto cu e academia ta

mantene. E combinacion di talento, dedicacion, preparacion y trabou duro a haci e show uno fabuloso. E programa a habri cu "Forest in the Night", un ballet bao coreografia di Anna Buryakova. E bailarinanan hunto cu Rosalie Hagers, solista invitado di Step by Step Dance Academy, a hiba publico den un

mundo di fantasia. Mas baile a bin di e Jazz dancers cu "Short Break" riba musica di Move like Jagger. Aña pasa Nicole van Eer, docente di canto y musical theater na Da Vinci, a introduci e fenomeno di Musical Theater na Aruba. Pa hopi aña caba, musical theater ta popular na Europa y Merca (Broadway) y awor



Aruba por a experiencia live dicon e combinacion di teatro, baile y canto ta asina popular. A presenta cu dos produccion, "Fame" y The Wiz". Yarima Lugo a compone, aregla y a presenta su propio cantica "Meant to say Goodbye", compaňando su mes riba piano. Mas musica a bin den forma di piano y canto. Durante intermission, publico a haya oportunidad pa mira e pinturanan di studiantenan di Alfonso de Windt. Film, un medio relativamente nobo na Aruba, tambe a forma parti di Art in Motion. E prome short film, "Stuck in the Middle", bao direccion di Rosalein Bos, a pone tur hende hari cu e storia di muchanan baldadi cu a core pa polis. E segundo film, "The Audition", a musta actuacion fuerte di Chimelee Watson y Delano Pimienta. E on-screen climax a bin cu "Still Human", un film dirigi pa Omar Brown y cu protagonistanan Juan Pablo Aguirre y Rachel Maduro. Den e zombi apocalypse aki, e protagonistanan mester a core pa nan bida. Parti bunita di e medio film ta cu e ta combina diferente disciplina, manera filmacion, actuacion, musica y visual arts. Por cierto por spera mas produccion di film na Da Vinci den e proximo temporada. Cu Art in Motion, Da Vinci Academy a trece un show impresionante cu por cierto ta contribuyendo na hisa e nivel di performing arts na Aruba. Da Vinci Academy kier gradici UNOCA pa sostene Art in Motion. Un danki special ta bay na tur e participantenan, nan mayornan y e docentenan di Da Vinci Academy cu a traha hunto pa haci Art in Motion un exito.